

Sarajevo, 11.03.2019.

Broj: 157/19

Općina Hadžići

n/r načelnika g. Hamdo Ejubović

**PREDMET : Obavještenje o objavi Javnog poziva za korisnike u okviru projekta „Model poboljšanja energetske efikasnosti u zgradarstvu na području Kantona Sarajevo u funkciji povećanja broja korisnika (omasovljenje)“**

Poštovani,

U skladu sa projektom „Model poboljšanja energetske efikasnosti u zgradarstvu na području Kantona Sarajevo u funkciji povećanja broja korisnika (omasovljenje)“ (u daljem tekstu Model EE), koji je usvojila Vlada Kantona Sarajevo (zaključak br. 02-05-35226-20/17 od 11.12.2017. godine), a koji implementira Sarajevska regionalna razvojna agencija SERDA na osnovu sporazuma o saradnji sa Ministarstvom prostornog uređenja, građenja i zaštite okoliša Kantona Sarajevo (br. 05/01-14-23104/18 od 25.05.2018. godine) i na osnovu Sporazuma o saradnji na realizaciji Modela EE, potpisanog između Vlade Kantona Sarajevo, Grada Sarajeva, općina Centar, Stari Grad, Hadžići, Vogošća i Ilijaš (protokol Vlade Kantona Sarajevo br. 02-23-31872/18 od 10.09.2018. godine i protokol Općine Hadžići br. 03-23-5-7393/18 od 10.09.2018. godine), obavještavamo Vas da će dana 13.03.2019. godine biti objavljen I Javni poziv za korisnike Modela EE. Poziv je namjenjen za vlasnike individualnih stambenih objekata i zgrada koletivnog stanovanja.


Ovim putem Vam se obraćamo da obavijestite predstavnike svih mjesnih zajednica sa područja općine Hadžići o objavi Javnog poziva za korisnike Modela EE, te da javni poziv istaknu na oglasnim pločama svojih lokalnih zajednica. Tekst javnog poziva sastavni je dio ovog obavještenja.

S poštovanjem,



dr. Ševkija Okerić

L 28/19



Vlada  
Kantona Sarajevo



ENERGETSKI  
EFIKASAN  
KANTON SARAJEVO



Na osnovu Zaključka Vlade Kantona Sarajevo o usvajanju Modela poboljšanja energetske efikasnosti u zgradarstvu na području Kantona Sarajevo u funkciji povećanja broja korisnika (omasovljavanje) (u daljem tekstu Model EE) od 11.12.2017. godine, Sporazuma o saradnji na implementaciji Modela EE potpisanog između Ministarstva prostornog uređenja, građenja i zaštite okoliša Kantona Sarajevo i Sarajevske regionalne razvojne agencije SERDA od 25.5.2018. godine, Sporazuma o saradnji na realizaciji Modela EE zaključenog između Vlade Kantona Sarajevo, Grada Sarajeva i općina Hadžići, Ilijaš, Vogošća, Centar i Stari Grad od 10.09.2018 godine i Sporazuma o saradnji na realizaciji Modela EE zaključenog između Ministarstva prostornog uređenja, građenja i zaštite okoliša Kantona Sarajevo, Grada Sarajeva i općina Novo Sarajevo i Ilidža od 24.12.2018. godine, Sarajevska regionalna razvojna agencija SERDA d.o.o. Sarajevo, objavljuje

## JAVNI POZIV

**ZA VLASNIKE INDIVIDUALNIH STAMBENIH OBJEKATA I OBJEKATA KOLEKTIVNOG STANOVANJA ZA APLICIRANJE U OKVIRU PROJEKTA „MODEL POBOLJŠANJA ENERGETSKE EFIKASNOSTI U ZGRADARSTVU NA PODRUČJU KANTONA SARAJEVO U FUNKCIJI POVEĆANJA BROJA KORISNIKA (OMASOVLJENJE)“**

Pozivaju se zainteresovani vlasnici individualnih stambenih objekata i etažni vlasnici u zgradama kolektivnog stanovanja (putem svojih predstavnika), da apliciraju na Projekat poboljšanja energetske efikasnosti u zgradarstvu na području Kantona Sarajevo.

Projekat ima za cilj smanjenje troškova grijanja i unaprjeđenje energetske efikasnosti objekata. Nakon implementacije mjera energetske efikasnosti, predviđene uštede na troškovima energenata na mjesečnom nivou, mogu dostići i do 50% (dovoljne za povrat uloženi sredstava), pa je stoga slogan projekta: **UTOPLI ZGRADU - PREPOLOVI RAČUN**. Efekti projekta bit će vidljivi kroz smanjenje potrošnje energenata, smanjenje zagađenosti zraka, ljepšu i ujednačenu urbanističku sliku Kantona Sarajevo, duži životni vijek nekretnina i povećanje privrednih aktivnosti na području Kantona Sarajevo.

### Pogodnosti za učesnike u projektu:

- ✓ Pokriveni troškovi izrade energetske audita i projektne dokumentacije za realizaciju mjera energetske efikasnosti
- ✓ Mogućnost korištenja namjenske kreditnih linija kod partnerskih banaka
- ✓ Subvencioniranje dijela godišnje kamatne stope u visini 3% za korisnike kojima su u okviru Projekta odobrena kreditna sredstva
- ✓ Sufinansiranje dijela troškova u iznosu do 45% za utopljanje objekata i druge mjere energetske efikasnosti
- ✓ Pokriveni troškovi nadzora nad izvođenjem radova utopljanja objekta

Mogućnost apliciranja imaju svi vlasnici individualnih stambenih objekata i etažni vlasnici u objektima kolektivnog stanovanja na području općina Hadžići, Ilijaš, Vogošća, Centar, Stari Grad, Novo Sarajevo i Ilidža.

Sve informacije o načinu apliciranja te potrebnoj dokumentaciji date su u Vodiču za aplikante koji je dostupan na web stranici [www.uredee.ba](http://www.uredee.ba) ili putem e-maila na [uredee@serda.ba](mailto:uredee@serda.ba). Dodatne informacije mogu se dobiti i putem telefona 033/652-935.

Aplikacije sa pratećom dokumentacijom se dostavljaju putem e-maila na adresu [uredee@serda.ba](mailto:uredee@serda.ba), lično na protokol ili preporučenom poštom na adresu:

**Sarajevska regionalna razvojna agencija SERDA / URED EE**  
**Kolodvorska 6**  
**71000 Sarajevo**  
**sa naznakom "Javni poziv u okviru Modela energetske efikasnosti"**

Javni poziv ostaje otvoren do 30.04.2019. godine.

Datum objave poziva: 13.03.2019. godine.